

928
キ
4

漁洋山人精華錄

四



漁洋山人精華錄卷九

門人候官林佶編

今體詩

詔起奮威將軍鎮保寧

仍用貢馬韻

手詔雲霄下將軍授鉞新
即看驅虎兕不必鬪麒麟
百戰能輕敵孤忠久致身
龍驤功第一重憶定三秦

聞官軍復瀘州

月黑斫連營嫖姚轉戰輕
已探猛虎穴急扼釣魚城
三峽烽相照雙江浪漸平
萬州羣盜在從此事刀耕

為牧仲題黃鶴山樵破牕風雨卷

卷首四字分隸書古田作

風雨催黃葉蕭蕭下
敝廬秋涼擁衣褐
老屋卷殘書遠岫
茫茫失寒潮淦淦
虛故園饒此境
歸思近何如

懷翁菴中丞沅州

渺渺沅江路悠悠楚塞窮昆明猶萬里休聽鼻亭公

送陸辛齋歸海寧

叢菊初花秋氣深花前君唱渡江吟杜陵乍喜歸三徑
寶劍猶堪直百金樽酒離亭折楊柳孤舟遙夜泊楓林
若邪谿水雲門寺欲約東遊思不禁

辛齋已行復來取別再送之

意外復攜手徘徊下潞亭扁舟逐陽雁秋色老江萍去
路潮連樹離心雪滿庭入門朝陸展一笑攬星星

送侯大年歸嘉定

送客三江去東吳更向東潮添瓜蔓水秋老鯉魚風往

事浮雲外名家信史中明年見侯喜把釣莫匆匆

題王元照仿宋元人小畫為牧仲作

琅琊家世鳳麟洲翰墨人間第一流松勢高低疑鶴啄
溪紋參伍學蠶頭扶筇名岳雲峰細放鶴空亭雪棧幽
白首奉常今又死買絲重擬繡廉州

烟客先生以今年卒

題王元式國博秋思詩後

詩云秋雨茂陵人獨卧西風汾水雁還來

茂陵風雨瀟瀟夜愛爾哦詩四壁秋多少長安苦吟客
瘦羊博士擅風流

史局漫興

南山種豆憶長林東觀淹留諧隱心巫峽猿啼兵未解
武谿鳶跼歲將陰牢愁不畔中山酒慷慨還為上堵吟

橐筆年年竟何補虛將衰鬢點朝簪

得翁菴書

昔建中丞節天邊送使車連朝薊門雪一紙漢陽書雲
夢征鴻起沅湘落水踈夜郎莊蹻路兵氣近何如

送袁士旦之玉田

無終東去路亭鄣古雄邊水出彈箏峽春生種玉田馬
蹄穿塞雪鳥道入山烟詠史清秋夜應逢謝尚賢

送李松客令高淳託訪詩人邢孟貞遺集

縣庭臨石曰風俗至今淳鳧雁成墟市菰蒲雜吏人花
時閑卧閣漁舍曉班春借問詩人宅柴門滿白蘋

李因是詩訪邢妻子以三百金為置腴田若干畝云

懷崔不雕

不雕常有丹楓江冷人初去黃葉聲多酒不辭之句為世傳誦

藉甚崔黃葉才名二十年身無一枝隱詩已衆人傳屋
傍撈鰕渚潮荒種蛤田風塵京洛客深愧博陵賢

十一月六日星變

召對紀事

明河寒已沒白氣亘宵長掩月光疑晝經天夜有芒轉
輸窮蜀道邊計切秦疆見說蓬萊仗公卿近

御床是日

有裁併秦蜀制府之命

送高念東先生予告還山五首

前身憶是陶通明山中白雲無限情滿院松風一聲鶴
三層樓上坐吹笙

若士雲將是夙期相逢汗漫欲何之偶然擲杖成龍去
又過蓬萊日主祠

何處神山滄海東巨峯萬仞插晴空青天無數雲濤捲
下視辰韓墨點中

巨峯勞山最高處

暮遊碧玉閣風顛朝過扶桑近日邊戲弄東王與西母
神芝行處滿瓊田

曾窮華蓋與鈎陳又到朱陵蜃海濱不信仙人十洲地
也傳風俗似吳人

再送念東五首

龍門雪後山爭白金谷園中花映紅著箇香山老居士

任人圖畫作屏風

白詩兼聞好事者寫我作屏風

解印歸來履道居風情真似白尚書孤琴隻鶴還留在

駱馬楊枝卻讓渠

錦湖秋色漾漣漪湖裏遊人歌竹枝斜日泊船紅蓼岸

神鴉飛過魯連祠

長白山中跨白驢偏提時掛小籃輿八驕朱雀航南路

可似先生薄笨車

籠水羣山繞郭明杖藜隨處有泉聲名藍金碧和煙雨

小李將軍畫不成

曉雪

稍稍侵簾額盈盈墮瓦溝竹枝全捨地芸餅未離篝風
峭遲開閣窗明緩裹頭如何玉堂曉偏憶剡川遊

訥菴翰長招同荆峴侍講羨門編修過善果寺
偶然偕素侶佛日到香林亭午無人處青苔滿院陰三
衣消瘦服半偈妙明心愛就魚山宿蕭條寫梵音

輓伊翁菴中丞二首

家世南充郡

唐伊慎封南充郡王

功名僕射看行營諸道合報國寸

心丹未取黃金印先逢白玉棺招魂何處是瘴霧夕漫

漫
馬革平生志昆明未息戈星辰移九列書檄動諸羅歿
視悲荀偃生還失伏波故人歌薤露流涕向山河

瀛臺

賜宴恭紀六首

朝來 勅賜宴淋池桂檝蘭舟待水嬉渡盡雲沙回首
望綠楊風外颭黃旗

越羅吳錦尚方來黃紙書名繡作堆次第鷓行齊拜賜
涼蟬聲裏謝 恩迴

御舟往往艤沙汀瓊島中流日幾經不是華林樂魚鳥
慈顏近在五龍亭

中旨頻傳內大臣龍眠學士 命重申捧觴跪起華裯

上蘋末風來散酒鱗

唐詩玉船風動酒鱗紅

崇蘭風汎共徘徊九畹揚揚取次開鄭重天香攜滿袖
移從弘德殿中來

太液池中百子蓮花開十丈藕如船酒闌 宣賜歸鞍

重錯認滄洲太乙仙

送毛斧季歸常熟

故處士晉子也

昆湖有真隱金粟緬高風桑海遺民老襄陽耆舊空人
言虞仲里又得小毛公廿載淮南別吳江幾落楓

中秋後得富順范生嘉州帥生書知其陷賊不辱

偽命遂有是作

幾載豺狼橫

去聲

巴蜀今朝書尺慰相思天彭井絡欣無

恙伏劍佯狂更不疑會見費貽徵合浦何妨甄濟動京

師汝曹識字知忠孝一笑南樓倒接籬

蘇羅國王墓

在德州王以明永樂十五年來朝賜印誥歸次德州卒葬以王禮謚恭定

當年重譯入長安屬國威儀盡漢官萬里滄波歸路遠

九河春雨墓門寒空聞螭首生金粟無復魚膏照玉棺
欲薦溪毛重回首亂鴉殘日夕漫漫

寄李鄴園尚書二首

閩天烽火達錢塘太乙靈旗拍越疆文武共推周吉甫
勲名誰竝郭汾陽椎牛五夜千夫膳射虎三秋百戰場
今日羅平妖鳥盡早聞憂國鬢如霜

爛柯山上陣雲低太末城頭月暈齊飛檄直臨彭島外
織塵不動浙江西戰袍血濺盤鷓鴣雄劍霜寒淬鷓鴣
半壁東南功不細天書頻下武都泥

和徐健菴宮贊喜吳漢槎入關之作

丁零絕塞鬚毛斑雪窖招魂再入關萬古窮荒生馬角

幾人樂府唱刀鐸天邊魑魅愁遷客江上尊鱸話故山
太息梅村今宿草不留老眼待君還

吳梅村先生昔有送漢槎出塞長句見集中

大雪過宋牧仲郎中

至後第三雪依然六出斜度窗明曙色穿樹競春華清
暖鶴將子暗香梅著花素心零落盡動即到君家

雪中牧仲置酒邀食熊白

故人寒置酒熊白亦初膈已下何公箸寧思漢殿時蟄
藏元自密攻穴苦相危當食勞三歎風花滿意吹

送葉井叔歸楚

落燈風急寒吹衣寒谿先生昨憶歸青門祖帳太蕭瑟
白社故人今是非漢上題襟情不極郢中懷古和真稀

碧雲無際楚天濶目送瀟湘春雁飛

井叔近示郢中懷古詩甘首甚工

送汪舟次檢討林石來舍人奉使琉球四首

屬國滄波外微茫萬里流雙持龍虎節遙拂鳳麟洲守
禮諳殊俗乘槎愜壯遊使星霄漢上先入大琉球

掛席指歸墟通言隸象胥避風占海鳥跋浪舞神魚卉

服看天使金函護 壘書雄才能作賦休讓木

名御虛

積氣浩茫茫乘流出大荒嘯歌聞海若擊汰薄扶桑日
月相吞吐蛟龍或遯藏始知九州大騶衍未荒唐

見說彭湖嶼元戎佇捷勳習流多戰士橫海拜將軍出
險雲濤壯飛書露布聞早成風土記歸報 聖明君

上陵歌四首

兩京相望海雲開
馳道如弦候騎催
金馬碧雞新奏捷
太平天子上陵來

令支回合萬重山
閃日旌旗虎豹閑
東望風雲過沛上
西來車騎出蕭關

遼水東迴北鎮斜
龍盤虎踞帝王家
依依最是關門柳

十二年前拂翠華

辛亥大駕謁陵於盛京今十二年矣

艱難王業本岐豐
扶杖來觀父老同
詔賜大酺還給
復一時歌舞徧遼東

贈蔣京少

靈潭名玉女窈窕富仙蹤
蔣子讀書處雲嵐深幾重
曾過洞庭野長嘯祝融峯
他日期相訪潭烟吟夜龍

張祐玉

女潭詩可當烟月下一聽夜龍吟

荅沈客子示洞庭新詩

吳越具區藪中浮
兩洞庭逸情逐花水
長嘯獨揚舸靈笈
傳神禹丹砂訪蔡經
抽帆吾計得同看
莫矚青

為幼華題五子論文圖

馳情渭北樹注目江東
雲不是顏光祿誰當詠五君
雨後至天寧寺

凌晨出西郭招提過
新雨日出不逢人
滿院風鈴語

幼華給諫招同愚山健菴大
可季角集祝氏別墅

黃門休沐暇池館愜
招尋人語碧苔徑
鶴鳴修竹林微風交
落絮流水澹春陰
坐愛鯈魚樂悠然濠上心

吾州

休夏吾州好明湖爽客襟亭橫帝子渚北渚溪繞使君林
酒愛碧筒飲詩成白苧吟凭欄指千里雲外數峯深

錢選折枝牡丹二首

三尺霜縑寫鼠姑檀心倒暈貌來殊如今疑夢還非夢
曾向南泉見一株卷中多袖詩

驛騎筠籠進折枝洛陽金粉入宮時永嘉水際知多少
謝客曾無五字詩

滇南凱旋歌六首

鈞天樂動五城樓玉輅前行十二旂親見萬方頻送喜
翠華三度幸盧溝湖南福建雲南大軍振旅皆駐蹕盧溝郊勞

將軍收取舊山河飲馬蘭滄萬里波珍味天厨人不識
禁中特遣一封駝

升中大禮視園丘黃幄天清宿霧收朝罷將軍先受賞
尚方催進紫貂裘

都人夾道看旌旄萬里歸來血洗刀講上奇鷹皆帶角
仗前天馬盡拳毛

原廟衣冠二十春太平今見上陵辰象犀瑋瑁新供祭
巧使安南備九賓上將謁孝陵適安南國請封表至京

清時王會徧諸方絕調昇平嗣柏梁從此漢家新樂府
白狼添詠又三章今年上元賜朝臣宴於乾清宮效柏梁體賦昇平嘉宴詩御書頒賜

定武蘭亭跋尾二首

繭紙風流世不傳
昭陵玉匣死難捐
乞兒一物雖癡絕
猶勝分香望墓田

片玉明駝出禁門
人間蟬翼重璵璠
一般雲散宣和劫
不及陳倉十鼓存

寄日緝侍御

與君契濶十載餘
聞君卻掃身巖居
中年頗學慈氏法
邇來兼讀長桑書
梅開臘月一杯酒
鄢陵臘梅冠天下
冰泮黃河雙鯉魚
擬向老禪分半席
狸奴白牯意何如

憶公弼吏部

公弼未歿前一日與其友蘇銘茂存於鳳陽龍興寺禪喜竟日歸旅舍遂化去是夕見夢於蘇吟詩云六

十年來一夢醒飄然四大御風輕與君昨日龍興寺猶是拖泥帶水行

弱草棲塵漫自驚
知君解脫萬緣輕
分明一笑凌雲去

撒手靈芝殿上行

朱浙清明上河圖二首

萬伯修司馬家物

金明池上柳吹綿
仕女紅粧照水鮮
學取鵝黃宮樣窄
一雙新畫益家蟬

夢華彷彿舊東京
瞥見丹青眼暫明
忽忽停盃緣底事
西風殘照近青城

送虞虞山通叅予告歸雲南

時年八十有五特賜馳驛

兩朝黃髮承恩久
萬里青蛉擁傳歸
驛路近南梅信早
家山向日鷓鴣飛
劫灰歷後昆明在
華表來時故舊非
檢點賜衣重灑淚
孝陵松柏已成圍

得董玉虬侍御書

離別是何日蒼茫十五年形容非少壯喪亂各風烟諫
草今誰識遺經好獨傳君註故交零落盡有夢太湖邊

題徐騎省集後二首

江左黃星事又新蕭蕭白髮入咸秦茂陵玉盃通天表
未信初明是恨人

寂寥小雪閑中過斑駁新霜鬢上加徐句擁鼻微吟一惆
悵殘年風景又天涯

冬夜詠說巖翰長貽詩感舊賦懷兼呈容齋侍郎
凍雲釀雪故低垂手藝松明漏箭遲半世心期三歲字
殘年風景六篇詩草橋南畔看花處浴殿西頭下直時
暗數同遊幾人在吟成催白數莖絲

喬子靜編修見示使粵集既為序之復得一絕句

書於卷尾

澧蘭湘芷供章句海雨江風生齒牙卻笑陸郎無此筆
歸裝空載日南花

和陳子文入蜀詩二首

鳳州三絕無纖手又少旗亭酒共傾唯有金絲幾株柳
臨江映驛拂人行古稱鳳州三絕手柳酒

右鳳縣金絲柳

乍食西川諸葛尊重誇楊樸紫芽辛柳家新樣君從擅
多少薑芽斂手人子文家工書法故云

右蜀薑

跋子文入蜀詩卷

萬里有行役三巴誰賞音經過下簾客風調倚樓吟
羯鼓高臨水蟬花秀出林舊遊離亂後長觸十年心

玉泉

御宿川南似漢陂碧琉璃滑淨無泥穠桃弱柳垂垂發
沙燕鷓鴣故故低銀漢紅牆九天上流雲紫閣數峰西
太平暇日稀遊豫碧草春深輦路齊

頌和子文蜀薑詩殊非本意再成一首

蜀味初嘗萬里餘子薑作鱠憶鯽魚相思若遇東吳使
為報張溫欲附書

懷東癡之德安

垂老匡廬去初看九疊屏江湖春浩浩雲霧晝冥冥名
續高賢傳人占處星伍喬事相思問鴻雁幾日泊宮亭

興州

聞說興州地炎天冰雪遲行宮餘故礎野蔓覆殘碑虎
旅迴遼海鸞旗拂具茨名王今款塞千帳荷恩私

趙王峯通政招同沈繹堂宮詹張箸漢太僕郭快

菴侍讀信初太常集金碧園

玉峯真人園名蓋寓故鄉之意

雨歇涼生烟景昏高臺留客共開樽誰將漢苑丹青樹
種向幽人金碧園六詔祇今無斥堠五陵隨地足丘樊
素心晨夕經過數便擬柴桑處士村

嚴人弘寫碧山吟社圖題詩留別用韻送之

碧山吟社好幾日返雲林晏起翠微曉開門黃葉深君
歸自丘壑予興在登臨賴畫滄洲趣依依慰陸沉

送黃自先之官平遠

水西何處是險絕播州東四郡千山外諸夷一線通聞
猿思故國騎象識蠻風荒服皆王土無勞歎轉蓬

送黃方叔之官山海

翩翩黃叔度揖我向榆關半刺今為政長城無限山扶
餘潮信外孤竹夕陽間重鎮當年地茫茫古戍閑

過宣城館有感

愚山故居

暮天黃葉落一過西州門無復高人跡空聞宿鳥喧新
阡思掛劍愚山屬子序其文集尚未脫葉舊館憶開樽南望澄江水誰招屈

宋魂

汪鈍翁六十

少壯一彈指君今六十強相逢顏色改別後鬢毛蒼名
在儒林傳經傳弟子行河汾姚與薛幾輩許升堂

牧仲寄秋日巡海雜詩

不見宋生久詩來海上峯振衣臨渤海長嘯動魚龍孤
竹瞻高節烏丸指舊封聽潮相憶處吟斲角山鐘

顧茂倫吳漢槎撰絕句詩 國朝止三家乃以拙

作參牧翁鈍翁之間戲寄二首并示鈍老

少日詞場偶嗽名重教刻畫太癡生他年傳唱蠻中去
幾許弓衣織得成

老去心情百不宜，楞伽堆案已嫌遲。誰能更與堯峰叟，賭取黃河遠上詞。

與趙秋水話申鳧盟遺事感賦

滄水去涓涓，東流繞墓田。忽驚辰已夢，重憶甲申年。

盟尊人節愍公甲申殉節

夜雨啼山鬼，青春斗杜鵑。平生趙元叔，白首

話燈前。

送孫子立編修周星公禮部奉使安南二十四韻

憶昔高平役，於今歲屢遷。遂休蠻觸鬪，共識漢唐年。文
筭來何數，包茅貢亦虔。越裳馴白雉，征戍罷朱鳧。昫町
軍鋒擾，西南殺氣纏。妖氛橫象郡，間道絕龍編。正朔依
然奉，訛言幾處傳。乾坤重盪滌，遐邇盡陶甄。使者南關

入長安，北斗邊。職方陳貢贄，鞞鞞列宮懸。忠孝聞天

語，奎章照海堧。飾終王禮備，繼世主恩偏。昨土諸侯

貴，行人二妙賢。璽書頒冊府，英蕩破蠻烟。衡嶽開雲

霧，湘流任汭磨。前驅瘴癘規，外拍星躔。銅柱懷新息，

丹砂訪穉川。採香三丈木，繅繭八蠶綿。飛鼠紅蕉裏，

羚羊樹顛。檳榔供釀酒，蚺子上盤筵。風土由來異，聲靈

此日宣。望塵紛絡繹，騎象競駢闐。國體千秋重，軺車

萬里旋。交州新有記，真見雒名田。

憶山居示兒子

堂靜看歸燕，村深報午雞。松花開細雨，筍竹併春泥。澗
道水兼石，山田高復低。休慙令狐子，龜勉把鉏犁。

寄靈巒

看山復臨水瀟灑坐禪身我愧龐居士師如竺道人打
包殘雪映歸寺藥苗春石澗新沅滿相期淨六塵

過丁香院訪張杞園不遇題壁

吟遶長廊取次行主人不見綠苔生蜂聲滿院日卓午
花氣撲簾春晝晴

為朱悔人題王叔楚畫竹卷

叔楚名翹字時羽吳之嘉定人

畫宗米芾尤工草蟲及竹見徐氏海隅集王山人誌

茅齋青壁幾年成溪路無人畧約橫一夜春雷動崖谷
四山風雨籜龍驚

題乘風破浪圖四首

海外真看大九州青天一髮是琉球人間竒觀君知否
萬里滄溟萬斛舟

扶桑東望海天孤虎節龍章擁萬夫正是水犀酣戰日
樓船十道下澎湖

百靈不散石郵開親見神魚跋浪間青史他年詫竒事
天風三日到中山

竹冊親頒異姓王歸來封事動明光儘教乞與丹青手
寫作靈槎著日傍

讀宋胡忠簡公經筵問荅題後

御香都染侍臣衣回首神霄是禁闈卻憶宣和當日事
玉真軒裏見安妃

河間從山公乞滄酒

五時新成禮百神同時啣 命帝城闈朔風初過毛萇
里西日難遮庾亮塵丹荔黃蕉炎海路茂林修竹鏡湖
濱今宵且乞麻姑酒別後俱為萬里人 滄州古麻姑城

與袁生

我過瀛海道不見安期生偶借琴高鯉飄搖南海行相
逢四明客遙指赤霞城牛渚聞高咏能移謝尚情 琴高趙人

德州荅鄭山公留別之作

城下河流日暮寒明燈綠酒罄交歡從知越絕風烟好
敢謂珠厓道路難嚴瀨千峰雲際出武夷九曲鏡中看
官園焙後茶香熟此日思君到建安

荏平懷古四首

經過射書處猶識魯連邨桑柘靈祠裏空瞻玉貌存

右魯仲連

玉釵掛臣冠滅燭聞薌澤此際獨留髡僕亦堪一石

右淳于髡

火色鳶肩者相逢徧五都不知曾一箇得似馬周無

右馬周

湖海鬚眉在寧忘社稷讐張公琴酒客能辨殺閻丘

右張鎬

杜詩張公一生湖海客身長九尺鬚眉蒼濠州刺史閻丘曉
不救睢陽鎬杖殺之本傳鎬嗜酒善鼓琴曉即殺王昌齡者

雷侯祠

歲晏穀城頭惟餘碧水流何年紫芝侶共訪赤松遊暮
雪寒山道溪毛過客羞崎嶇倉海意不是為封留

雪中發東阿望魚山懷古

陳思王聞梵於此

山郭雪蕭蕭魚山望轉遙洛靈悲子建神女降弦超即
事成今古寒巖閉寂寥唯餘清梵在一遣旅情消

魚山神女祠

王摩詰有魚山神女祠歌

雲車入洛幾時還松桂淒涼滿舊山歌罷迎神送神曲
山青無際水潺湲

陳思王墓下作

昔誦君王賦微波感洛神今過埋玉地重憶建安人名
豈齊公幹讒寧殺灌均可憐才八斗終古絕音塵

自礪礪至棘城雪中即目

礪礪侵曉發歲晏復窮陰出沒峰巒改蒼茫雲雪深松
篁轉山徑烟火隔溪林重戴吟鞭好何如灞岸心

望小洞庭

當日蘇司業風流此暫經重巖望超忽遠水界空冥積
雪明蠶尾浮雲下洞庭明朝新霽好迴首數峯青

東平思王墓

龜山

東平幾驛是咸陽松柏依然指故鄉帝子不須還悵望
漢家陵闕久淒涼

東平憲王墓

龜山

鄉是人亡萬古悲東平宮殿草離離陵前賜劍知何處

金粟飄零剩斷碑

大雪次汶上題路氏北堂壁

百里中都道蒼茫欲暮天湖平蜀山樹雪沒汶陽田魯
酒盈觴醉銀鱗下筋鮮東樓無李白且就北堂眠

太白有
飲汶上東樓詩

次兗郡

翠華初過魯宗國此遺墟猶忝持旌節何殊奉乘輿
川原接鳧繹風物近青徐獨愧鍾離意名符發寶書

少陵臺

不見杜陵叟猶存杜甫臺如聞石門路曾共謫仙孟平
野蒼蒼合浮雲故故來岱宗青未了髣髴六龍迴

特大

駕東巡祀泰山

雪後過嶧山

數仞碧玲瓏參差望不窮波浮泗濱磬雪照嶧陽桐仙
洞浮雲斂秦碑野燒空羊車何日去輦路翠微中

狐駘山

鬢弔何年事傳聞此伐邾至今歌小子猶似怨侏儒

古薛城弔孟嘗君

田文千載後悵惘雍門禪薛水西流駛空城日暮寒臺
池久蕪沒丘壟亦凋殘在莒猶遺恨如君豈足歎

昭陽湖一名微山湖

滿湖風皺碧流離微子山前返照時閑掛筇箸泊沙蘆

紅霞一抹曬鸕鷀

荆山口待渡

西連豐沛走中原風色蕭蕭野渡昏一望孤城天接水
亂山合沓是彭門

徐州渡河

楚漢興亡後雌雄幾戰爭大風過泗上落日照彭城王
斗空遺恨銀刀久厭兵登艦一長嘯冰雪太崢嶸

壺門懷古八首

城上黃樓天四垂捲簾坐盡楚山姿羽衣吹笛人千古
樓下猶懸五丈旗

中原豪傑竟亡秦楚漢烟銷泗水濱放鶴亭中一盃酒

楚山鬻鬻水鱗鱗

樓觀岩亭戲馬臺宋公九日此傳盃詩人猛士如龍虎
只愛江東二謝才

僕射軍中似父兄紅蓮書記擅才名重尋汴泗交流處
千步毬場草棘生

黃葉西陂七字詩後山詩派石林知南山磬石流脂滑
不刻長洲主簿詞

呂梁千仞古所嗟况復層冰如莫邪陪尾山前魯祠北
紅泥亭子漾金沙

烟銷陂水半篙碧日出曉山千疊青薺麥依然春雪裏
忍寒招鶴上空亭

風雨彭城意黯然東堂松竹沒寒烟
穎濱老去東坡死
銅狄摩挲五百年
感懷西樵東亭兩兄曩在廣陵官閣西樵有詩云半落彭城意經時涕泗零今宵鶴散雨猶喜對牀聽

宿州遇吳舒鳧

昔作薊丘別聞棲陪尾山泉林寫明鏡
遙岫列烟鬟豈意浮雲跡相逢梁楚間
苻離今夕酒閉閣不須還

宿州東門道曰汴堤古隋堤也作隋堤曲

殿脚三千事已非隋堤風物尚依稀
玉蛾金蠶飄零盡誰見楊花日暮飛

苻離弔穎川侯傳公公宿人

躍馬千山外呼鷹百戰場古百戰道在宿境
平蕪何莽蒼得上雲氣

忽飛揚窳寂通侯里沈沈大澤鄉
穎川湯沐盡空蕪影

頤王陳涉亦州人漢高帝為置守家

臨淮

凜凜歲云晏我行淮楚間清川下桐栢
衆壑會荆山兩岸帆檣濶中流鷗鷺閑
惠莊如可即長嘯一追攀

崔白濠梁人賦詩弔之

徐黃老手去不迴丹青又失濠梁崔
清淮粉本還留在折葦枯荷鳧雁哀

定遠靖南侯祠

英風動江左廟食儼東城聞道鳩茲郭
猶存驃騎塋楚巫陳桂醕行客拜霓旌
杜宇悲何事哀啼達五更

將至桐城

溪路行將盡初過北峽關幾行紅葉樹無數夕陽山鄉
信憑黃耳歸心放白鷗龍眠圖畫裏安得一追攀

冰園夜雪即事同敦復我建寄耕壺

山徑梅花發籃輿香霧中名園皆竹色密坐即蘭叢倚
檻湍醒酒開簾雪颭風美人一水隔何以慰飄蓬

潛山道中雪

處處溪山好倪黃畫亦難雪雲數峯白楓柏萬林丹高
下松毛積淒清石溜寒天心愛羈旅巖壑飽經看

自沙河至唐婆嶺即事

皖公山色望迢遙皖水清冷不上潮青笠紅衫風雪裏
一林楓柏馬蕭蕭

二喬宅

彭去山廣教寺

修着細細寫春山松竹蕭蕭響珮環霸氣江東久銷歇
空留初地在人間

太湖道中懷鄭山公通政

楚尾吳頭去天寒急景沉朝雲灑岳影暮雪刺溪心野
店官橋路人家篁竹林相望二千里何處是山陰

龍山晚渡

雪滿龍山望五湖漁舟沙步晚招呼憑誰喚起維摩詰
重寫寒江雪渡圖

張睢陽廟

宿松棠梨宮

不識松滋路中丞何代祠椒蘭紛玉座風雪捲靈旗橫

米三金老九
笛聲猶苦神絃響易悲同堂真廟食南八是男兒

除日宿松道中

久客忘時序匆匆逼歲除
楓林紅照眼鬢髮白盈梳
灑岳多迴雁潯江足鯉魚
春風來早晚誰寄故園書

乙丑元旦雪中謁五祖山二首

是日立春

南國不搖落春風况早迴
行勝穿白雪大事問黃梅
絕磴盤空上飛梁拂澗開
萬松猶引路消息記重來
寶界琉璃淨名香篤耨熏
堂開數峰雪目盡九江雲
優鉢花時現頻伽鳥競聞
躊躇下山路楓葉正紛紛

下五祖山

雪滿空山下翠微娛人十里盡
清暉野梅香破半溪水

翠羽一雙相背飛

早發黃梅過東禪寺

六祖春米處

誰識新州獠羣傳衣夜半祖
庭聞水邊孤寺半烟篠
郭外數峰空雪雲直是西來
掃文字翻令南北競紛紜
明朝穩把江頭櫓水到潯陽
九派分

濯港

五祖初生入漁網處今有網埠寺破額山四祖道場在直北六十里

網埠寺旁風物幽漁人網集亂汀洲
阿誰識取源頭水
破額山前碧玉流

太白湖

潯陽東北白湖濱雪浪縱橫曉問津
何處雲中廬岳影
滿堤衰柳送行人

大雪渡潯陽江

江水下江州茫茫九派流雪迷宗炳宅興發庾公樓六
代空殘壘千年此上游可憐形勝地擊楫未消憂

抵九江

行行皖口又蘄黃纜掛孤帆指豫章為報佳君多置酒
夜來風雪過潯陽

琵琶亭晚望

雪重江天合寒深鳥不飛炊烟何處起知是庾樓磯

望廬山

看山宜雪後五老况相要絕頂霾雲霧諸峯出沈寥陰
陽殊向背吳楚接風朝急瀑來三峽名僧問六朝客程

兼水石行色借漁樵磨衲堪終老彭城枉賜貂

入廬山口號四絕句

翠竹青松裏橫峰側嶺間坡公曾有語真箇到廬山
曉出潯陽郭廬山方出雲雲中雙白鹿邀我問匡君
香爐峰近遠望望太高生莫畏石頭滑終期曳杖行
步步廬山近蒼蒼雪路深江天雲霧裏何處是東林

自錦繡峰下至東林寺

江州郭外雪雲濃翠壁丹崖錦繡重行盡清溪三百曲
東林纔打午時鐘

東林寺示宗雷禪人

晉賢名理宗莊老祖印西來得未曾携得佛馱鐵如意

重將舉似雁門僧

虎溪橋迴望西林寺

未訪西林慧永師
虎谿橋畔去遲遲
歸舟定艤宮亭水
飽看僧房綴蜜脾

圓通寺示泉菴禪人

匡廬上初日石耳訪禪林
看際清寒重烟中梵唄深
水交松櫟響門掩竹藤陰
欲問南唐跡山猿雪後吟

歐亭

六一何時去猶傳夜話亭
亭空人不見殘雪落冬青

蘇亭

試訪蘇公跡荒榛鼯鼠啼
東山初日上惆悵下侯溪

南唐後主祠二首

在圓通寺

佞佛終何事秦淮舊恨長
空山遺甃在猶自說南唐
唐苑蓬萊紫名同萼綠華
可憐山寺裏猶有麝囊花
後主嘗移廬山麝囊花於含風殿前名蓬萊紫

寫韻軒

彷彿鸞岡露黛看繡襦
甲帳為誰施祇應三五嬋娟影
曾照仙人寫韻時

金花潭

宋元祐孟太后祈風處

傳是瑤華跡江潭獨黯然
倉皇浮五馬憔悴掩雙蟬
玉輦歸松漠金花沒劍川
忘機羨鷗鳥不識靖康年
孟家蟬見宋小說姜夔詩遊人總戴孟家蟬

苦竹洲聞雁

孤舟聞雁暖春思滿江湖北去經彭蠡南飛異鷓鴣已
驚關塞遠深念雪霜徂故國多烟水音書好寄無

樟樹鎮王文成公誓師處

豹房虎圈氣如雲行在從容露布聞誰識書生離講席
絕勝三十六將軍

峽江縣

短岫幽篁峽口陰亂帆鴉軋滿江潯長年烟際遙相問
十八灘頭水淺深

吉水道中望楊誠齋故居

江行盡日愛清輝峽遠江平碧四圍幾處峰青臨水照
一羣魚翠拂船飛雲陰澹澹將成雨嵐氣濛濛欲溼衣
髣髴南溪楊監宅蒼苔白石繞巖扉

吉水絕句

螺川川北字江西沙暖舟暄咫尺迷纔過元宵如上巳
春山處處郭公啼



賦得廣澤生明月

放舟豫章水月上廬陵城照影疑無定窺人似有情冷
泠青桂溼歷歷白榆生故國當三五清暉亦自盈

望青原山有懷藥地愚山二公

愚山重建白鷺書院今燬於火

白鷺空洲又劫灰青原山色自崔嵬風流二老今何在
獨問廬陵米價來



... 10 ... 11 ... 12 ... 13 ... 14 ... 15 ... 16 ... 17 ... 18 ... 19 ... 20 ...

肺病

昨日頭風愈新年肺病多何山足芝朮隨處繫牂牁地
僻容高枕鄉遙憶伐柯青林啼暮雨無那鷓鴣何

泰和道中寄陳說巖都憲李容齋少宰彭羨門編

修

撥舵開頭不計程睡餘真愛贛江清將尋方麴猶嫌早
欲却吳綿尚有情木客山都人比舍功曹主簿鳥多名
炎荒風物看殊異略附雙魚達上京

泰和縣夜泊雷雨

明月墮何處忽聞鳴雨懸雷驚殷^{上聲}山起雷急劃江圓
宿鷺依連舸神龍出大川戰場蕭瑟極百感夜茫然

萬安縣

戰地餘流水滔滔贛石東幾年紛鱗艦今日尚刀弓沙
嶼宵霑雨江船午帆^壽風明朝聞好語清漲百灘空^{按壽}
一篇清漲百灘空

阜口雨泊

急雨孤篷溼高峰四面同茫茫送灘水颯颯會江風山
鬼幽篁裏楓人苦霧中明朝攬清鏡衰颯任成翁

攸鎮雨泊

竟日孤篷雨宵分尚未休瘴雲來嶺表江漲下虔州暗
溼桃花重平添竹箭流更聞春喚^{鳥名}語催白五更頭

黃金洲見桃花

巖屋纔三合烟扉自一家春風何造次開遍小桃花

瓶中桃花

水晶枕上一枝新別作媽紅楚岸春疑是息夫人未起
細腰宮裏見橫陳

贛州謁王文成公祠

新建當年此誓師森然松柏見靈祠軍聲不藉條侯壁
籌策唯應漢相知萬古許孫同廟食一時張桂太傾危
後來論定煩青史峴首猶存墮淚碑

同丁雁水僉事登八境臺二首

天末欣相見登臨復此臺飛樓切雲上危堞枕江開章
貢雙流合雲峰四面來凌風思玉局故國近蓬萊坡公

境臺詩有云想見之采觀海市絳宮明滅是蓬萊

尚憶圍城日熊羆此枕戈劫灰孤閣在戰地國殤多東
越鍛王郢南荒服尉佗祇今烽火息吾輩許高歌

題南安寶界寺

劉元城張無垢兩先生皆居此寺坡公亦嘗過之

古寺興亡閱幾秋諸賢誰遣到炎洲可憐橫浦關前水
猶繞當年鐵漢樓

張文獻公祠

峽寺重雲裏人瞻丞相祠開元如夙昔風度想當時羽
扇三秋恨淋鈴萬古悲何來雙海燕猶自入簾帷

始興江口

西過始興水湏谿增淶波湏水合始興水流始大推蓬春日下高枕

粵山多前路逢瀧吏迴風起蜚歌鼻亭不可問亂石鬱
嵯峨

舜祠翠華亭

髣髴南巡蹟重華事有無雨痕上斑竹雲氣接蒼梧儀
鳳何年逝啼鵲歲又徂不勝懷古意江色日荒蕪

將抵曲江

二月一日春態開桃花欲落鳥綿蠻回頭不識中原路
人在三楓五渡間

三楓亭范雲賦詩處

武溪水

南紀標銅柱滔滔萬里征我窮伏波道重和武溪行斜
日聞吹笛誰為轅寄生因思少游語回首不勝情

平圃

張文獻公故居

扣舷聊騁望川上浩烟波徃徃奇峰出行行松石多人
言故相宅遙指曲江過太息開元後爭傳得寶歌

公初發

曲溪詩溪流清且深松石復陰臨

滙江

衆綠被山足舟行當翠微滙江流水遠涯口住人稀海
日臨崖吐蠻禽拍浪飛阮俞如可采長嘯竟忘歸

二禺祠

軒轅二帝子聞住綠雲間世遠無遺迹夕陽空亂山攀
髯失弓劍采藥異荆蠻猿鳥青冥裏應悲去不還

歸猿洞

若為越女化猿公霧鬢風鬟向此中留得訶陵環子在
月明長憶上陽宮

登浴日亭

乘槎興不盡復欲帆去聲南溟夕次扶胥口朝登浴日亭
島夷紛破碎天水倒空青一望窮寥廓真看小洞庭

濂泉寺

閑隨綠蘿去忽與碧溪逢水石微通徑烟霞獨倚筇寺
門編笏竹磴道入雲松尚憶安期子青天跨白龍

登粵秀山

越王古臺上春暮復登臨割據無秦漢滄江自古今風
吹龍背兩日射虎門陰欲問浮鷺道荒涼蔓草深

歌舞岡

歌舞岡前輦路微昌華故苑想依稀劉郎去作降王長
斜日紅綿作絮飛

廣州竹枝六首

潮來濠畔市名接江波魚藻門邊淨綺羅兩岸畫欄紅照
水蚤船爭唱木魚歌

海珠石上柳陰濃隊隊龍舟出浪中一抹斜陽照金碧
齊將乳翠作船篷

梅花已近小春開朱槿紅桃次第催杏子枇杷都上市
玉盤三月有楊梅

佛桑花下小迴廊曲院深深牡蠣牆細蕪海沉銀葉火

金籠倒掛試收香

鬢雲盤髻簇宮鴉一線紅潮枕畔斜夜半髮香人夢醒
銀絲開遍素馨花

才到花朝似夏闌雨紗霧縠間冰紈洋船新買紅鸚鵡
卻苦羊城特地寒

登六榕寺浮圖

舊名寶莊嚴寺

六榕不可見地以大蘇名白社無人到蒼苔滿院生塔
窮炎海目山擁粵王城欲假南溟翼扶搖誅上征

大將軍孝揚弟餞別海幢寺即席有詩賦答

元戎小隊到禪扉蹋閣攀林興不遠賦似江淹頓惜別
人如楚客送將歸貝多樹下花沾席瑇瑁潮邊雨濺衣

最是斑駁留不得陸郎行處正芳菲

別胡芾孩陳元孝屈翁山黎方回

耆舊海南偏相思二十年來攀貝多樹別負荔支天江
晚饒芳草山春有杜鵑別離無限思都付蜚人船

題崧臺

石室崧臺儼畫圖百神觴罷散清都七峰處處供人眼
莫笑淹留類賈胡

大廟峽寄黃庭表太史

自清遠至潁陽亦曰三峽

出峽復入峽舟行多苦辛青山巒徼外黃帽越溪濱迤
邐經寒雪飄零惜好春佛桑花下酒應憶北歸人

三水月夜別陳宗德程衍祖

碧天月晶晶江水風蕭蕭明發一為別孤踪千里遙梅
關稀見雁中宿不通潮好寄相思子時時慰寂寥

十五夜峽口對月寄廣州諸故人

峽口今宵月其如客思何離離見珠斗穆穆展金波故
壘餘蕭勃殘山弔尉佗珠江猶一水相望似秋河

雨入涇陽峽

野泊開頭早重陰入峽寒側過釣魚石逆上牯牛灘雨
逼驚瀧失雲從大壑看十年經劍閣轉見路行難

歸度大庾嶺

大庾連橫浦艱難此再經鬢從五嶺白山入百蠻青嶠
水流炎海榕陰數上聲驛亭今宵望南斗漸遠使臣星

抵南安

嶺南已負荔枝支天橫浦重過意惘然暫借谿樓看山色
蠟花如雪寺門前

南安人以蠟樹為業彌望皆是

峇鍾聖輿送芍藥

新綠橫牕穩晝眠一簾微雨似輕烟午晴睡起維摩榻
花氣熏人又破禪

常紫侯少司空使西域回有贈

曾騎白馬度安西絕域名從屬國題雪嶺天寒人去少
河源日落鳥飛低彈碁握槊分曹出皓齒青娥按拍齊
東入陽關更回首輪臺春草正萋萋

送王石谷南歸

君憶慧車子言歸烏目山帆隨五湖濶心與孤雲閑潑
墨營丹嶂開籠放白鷗遙知破山寺高卧掩松關

漁洋山人精華錄卷九

門人監察御史崑山盛符升國子祭酒江陰曹禾同訂

候官門人林佶恭騰寫

男啟涑恭閱

漁洋山人精華錄卷十

門人候官林佶編

今體詩

贛州別丁雁水僉事

與君暫相見揮手古虔州孤棹山俱遠雙江水亂流急
灘穿詰曲深竹叫鈎輶離別兼羈旅中宵感白頭

新淦道中懷門人林公韞兼寄丁雁水

七載相思木蘭道那知相見鬱孤臺江湖瀕洞扁舟遠
賓主東南一代才伏雨闌風朝復暮滄波白鳥去還來
三洲不共窪樽飲懷抱何因得好開

豐城曲江亭

礧山高百尺礧下曲江流芳杜蕭蕭暮金花歲歲秋

金花潭

青峰相嫵媚白鳥自滄洲已矣于將氣宵分望斗牛

吳城登望湖亭寄周南康星公

東南臨眺美何如信有孤亭切太虛極浦長風生左蠡
畫簾清晝對匡廬九江潮汐迎人遠五老鬚眉見面初
明日玉淵潭上酒共看飛瀑駐籃輿

彭蠡守風送孫豹人之南昌

茫茫彭蠡雨漠漠匡山雲雨帶孤帆去雲將別緒紛蛟
龍深自喜牛馬望難分三峽橋邊水扶筇昨共聞

開先寺贈顯公

古寺昇元舊興亡感至今晴天雙瀑下急雨萬松深但
有龍意去可須也布金琴高不可即陰峽畏登臨蘇公開

先漱玉亭詩必從琴高生云

招隱橋

萬仞黃巖瀑流過招隱橋長松吹細雨水石共瀟瀟

萬竹亭

大竹如盆盎森梢覆古巖試嘗甜苦笋亭上脫春衫

佛印松

印公手植松挺若舟千斛山空孤月明傳聲亂飛瀑

南唐元宗讀書臺

猶存讀書臺不見昇元閣寂寂青桂花巖間自開落

青玉峽

廬南萬古峽常有野雲封朝來雷雨過白日下飛龍

聰明泉

手掬聰明泉一滴大海味不逢桑苧翁知希我方貴

王文成紀功碑

文成摩崖碑其字大如手萬古一浯溪光芒同不朽

大孤山

宮亭湖上好烟鬟倭髻初成玉鏡開霧閣雲窗不留客
蘋花香裏過鞋山

石鐘山

蘓公遊賞後餘韻石鐘山水石長如此行人自不開鶴
巢丹壁上魚鬪翠微間安得乘明月扁舟數往還

即事二絕句

吳頭楚尾浪花蘇終日彭郎對小姑楊葉洲邊望烟火

江南江北雨糝糊

往來不見馬當船三日蘆中少爨烟東望皖公才百里
金陵難似上青天

江上看晚霞三首

彭澤縣前風倒吹三朝休怨峭帆遲餘霞散綺澄江練
滿眼青山小謝詩

白浪空江斷去人連朝風色起青蘋小孤山外紅霞影
定子當筵別是春

瀟瀟寒雨暗潯陽日日江潮過馬當東望滄溟天萬里
乘風欲度赤城梁

皖城懷古四首

憶昨經過射蛟浦今朝還望盛唐山大江日夜流如昔
武帝雄風去不還天馬蒲桃空塞外飛廉桂館自人間
茂陵杯土秋風裏玉女何曾解駐顏

龍舟曾颭錦帆風回首淮南事不同降邸已聞營汴上
皖公猶自落杯中豫章一去歸何日廬阜重來隱未終
苦憶舒州徐騎省江潮東下雨濛濛

清水塘邊余闕祠雲霄浩氣凜鬚眉英姿颯爽猶橫槊
古砌荒涼只斷碑鶴化千年非故國鷄鳴十廟不同時
皖江便是田橫島義士悲歌為涕洟

羅刹磯頭落日懸侍中遺跡至今傳楚纍有恨沉魚腹

蜀魄何心化杜鵑家國幾看陵石變江山猶痛革除年
青溪血影留遺石巾幗還應愧世賢

泊夏家口二首

秋浦猿聲夜孤舟客乍聽星星見漁火已到卸帆亭
已近梅根治江流更幾灣明朝風日好應見九華山

荻港

荻港東來指楮圻估帆停處一鷗飛大江小汊縱橫入
蓼岸藤灣遠近圍勝地不留逋客住暮潮閑送夕陽歸
黃公戰處今殘壘憑眺休登板子磯

板子磯

板子磯前路風帆之字行紅花將翠篠的的可憐生石

紅花低照水山頭翠篠細含烟楊誠齋題板子磯詩句

米芾金卷一
蟪蛄靈澤夫人祠二首

白帝江聲尚入吳靈祠片石倚江孤魂歸若過劉郎浦
還記明珠少障無

霸氣江東久寂寥永安宮殿莽蕭蕭都將家國無窮恨
分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤塔白
樓臺缺處數峰青褚山人去生春草江水潮迴沒舊汀
更憶于湖翫鞭跡吳波不動客揚舲

溫飛卿于湖曲吳波不動
楚天碧

天門山夜泊

萬里孤舟泊今過博望山勝遊非夢到絕域此生還列
宿垂江濶踈螢點鬢班宵分望明月歸思折刀環

牛渚望青山

峰色如橫黛江光似熨羅昔人行樂地今日復來過小
謝青山宅桓公白紵歌他年尋菌閣終向此巖阿

太白祠

白也祠堂在前臨牛渚磯風流映江左山水尚清暉小
謝東田近開元舊事非姑溪好風日遊子亦忘歸

然犀亭

不是溫忠武誰堪第一流飛書先赴難灑淚獨登舟赤
幘驚幽渚黃旗拍石頭孤亭臨玉鏡浙浙荻蘆秋

蛾眉亭

采石磯頭百尺亭，下臨天塹畫冥冥。天門中斷楚江濶，日日蛾眉相對青。

烈山

古寺紅牆出翠微，莓苔石壁滴人衣。一行白鷺衝船起，卻上半巖松頂飛。

抵金陵

佳麗金陵道，垂楊夾去津。潮迎落帆客，花映倚樓人。依舊青山繞，如何白髮新。昔遊三十載，髣髴記前塵。

石城橋示倪雁園太史

昔作秦淮客，朱樓賦洞簫。白頭故人盡，重上石城橋。

雨過醉翁亭三首

出郭逢樵牧，橋迴境已幽。門前行溪石，即菱溪石亭下釀泉流。禽鳥鳴何樂，松篁颯似秋。吾生嗟太晚，不及醉翁遊。風景非疇昔，亭猶號醉翁。曾將幽咽意，併入七絃中。我欲攜琴客，臨流撫古桐。不逢沈夫子，噉噉夜猿空。歐梅映池閣，半畝散清陰。老幹猶存古，孤花開至今。冰溪尋寺遠，雪路入山深。此際巡簷好，寒香伴苦吟。

晚至豐樂亭

豐山高不極，到寺已昏鴉。一隲含桃樹，滿山烏柏花。僧雛汲幽谷，泉在幽谷活火試新茶。歸去松蘿暝，嚴城報暮笳。

天慶觀

宋立瑞命殿於滁，以奉藝祖置觀於其側。

宋家天慶觀古跡近千秋原廟春供祭衣冠月出遊莓
苔蒼鼠竄風雨杜鵑愁西洛諸陵遠蒼茫接汴州

西澗

西澗蕭蕭數騎過帝公詩句奈愁何黃鸝喚客且須住
野渡菴前風雨多

澗上有野渡菴取韋詩命名

清流關

蕭蕭寒雨渡清流苦竹雲陰特地愁回首南唐風景盡
青山無數繞滁州

懷王隼梁無枝

王字蒲衣梁字王顧皆南海人

二子才何妙閑門對海濱繙經裁白氎行藥過青春綺
纈誇官體風流似晉人最憐閨閣裏清詠玉臺新

王婦潘

梁妹皆工詩

寄蒲澗範公

憶訪菖蒲澗榕陰席屢移泉聲微雨裏江色夕陽時空
谷無殘客諸方問導師杼山詩法好慚負碧雲期

見田家飯牛者意有所感賦得牛飯就松涼

故友宣城

梅磊杓司句也

黃犢東臯暇青松北澗生卧餘芳草軟飯處午陰清甯
戚歌偏拙華陽計早成勞勞行役者三歎憶巖耕

歸次臨淮

歸路仍淮水崎嶇嶺海餘我行萬里道未得一行書漁
戶緯蕭接估船吹笛初今宵孤館裏鄉夢復何如

苻離

萬里歸來兩鬢蒼
閱他南漢又南唐
短衣射虎心猶壯
重過苻離古戰場

雨中渡河望黃樓

已見河魚上冥冥
雨未休一條飛白浪
十丈捲黃樓杳
靄龍山隱空濛
雉堞浮平生
仗忠信欲下呂梁游

錢牧翁喜李長蘅詩穀城山好青如黛
滕縣花開

白似銀佳句也予冬夏兩過滕不見一花因成

絕句

薛北滕南屢問津
遠山如畫黛蒼新
唯餘底事堪惆悵
不見花開白似銀

嶧山即事

雨足烟邨事不閑
家家驅犢出柴關
棗花香徧濃陰合
水碧沙明望嶧山

宿唐濟武太史志壑堂即事

新竹梢檐夜氣清
忽聞山鳥報寒更
單衾喚起瀟湘夢
落月已西天未明

書堂道中

山勢圍黃鵠書堂
望愈孤行勝逐禪
侶荷篠問樵夫
鳥道捫參井人烟
條有無入雲鐘梵
近失喜一相呼

石梁

窈窕度漁梁
縈紆一水長
臨流多白石
列坐復垂楊
歷

歷禽魚

柳

溪行路

花春漠

柳

踏閣攀

首見明

于

我愛寒

水流春

趙

莫問公

麓諸法

卧輿

祠空翠

題

橫塘畫

菱花回

鴨母船

不是鴉

鴨頭在

歷禽魚影蕭蕭蘭杜芳雞鳴在何處小鷗出松篁

柳菴

溪行路不極溪上出香林一夜前山雨千迴石瀨深空
花春漠漠仙梵午沉沉舊識旃檀味還能悅衆心

柳菴西方丈夜坐

踏閣攀林罷閑堦坐夜分木犀春半發鼻觀定中聞舉
首見明月西峰歸片雲徘徊戀清景谿籟遠紛紛

于茲仙人祠

我愛寒山好招尋白兔公還過于茲道倚徙古祠空碧
水流春澗清猿躡晚風傳聞駕鸞鶴來徃月明中

趙北口

莫問公孫事茫茫感逝波晚潮魚鼈急夜火蜃簾多大
麓諸流會春風萬乘過年年水楊柳頭白此關河

女郎山

卧輿夢初起遙見女郎山雨過開奩鏡烟消露髻鬟靈
祠空翠裏瑶瑟碧雲間不是崔羅什何因奉玉顏

題查夏重盧塘放鴨圖三首

橫塘盡日雨濛濛閑倚筇簪挂釣筒坐愛琉璃一千頃
菱花風急冒鳧翁

鴨母船依湖水濱船頭長日飯龜尊憑誰寄謝桓南郡
不是鵝欄教鬪人

鴨頭丸帖種魚經盡日蘆碕泛渺冥何似漁陽隨宓騎

天風齊放海東青

題張力臣小照二首

瘞鶴銘邊攜屐日羊侯祠下卸帆時
吳山楚水探竒徧不覺秋霜點鬢絲

金石遺文太放紛摩娑千卷對鑪薰
白頭更訪鴻都學手拓陳倉石鼓文

題沈客子林屋幽居圖五首

萬頃玻璃不受塵樓居高與太清
鄰紫泉石髓儻留得我欲因之窮左神

隱几春山似畫屏下窺玉柱接金庭
禹書縱遣靈威守合為幽人一啓篇

五月楊梅血色斑雲林十里畫圖間
杉皮屋子青苔徑

獨占吳王銷夏灣

玉堂酒渴夢江南林屋東西路舊諳
煩汝封題三百顆夜來霜信到黃柑

漁洋山下是吾家山北山南半種茶
留得繖山方竹杖待君風雪探梅花

栖霞紫峰閣前有方竹一叢予取以作杖方爾止銘之

追和東癡釣臺懷古

帝業真歸赤伏符故人不作執金吾
猶嫌齊國知男子終隱桐江學釣徒
鼎足三公慎要領師中十載白頭鬚
清風萬古嚴陵瀨知有雲臺博士無

范升也

憶石帆亭寄兒輩四首

梅花香裏置茅亭下有蒼筤萬箇青聞道故園三日雪
與誰同聽玉瓏玲

磬口檀心世外香幽姿那點壽陽妝祇宜霽雪明窗裏
手搦疎花寫硬黃

仙人鸞尾何年隨池北池南共歲寒又向東華騎瘦馬
春風先問竹平安

麥顆風爐手自烹林園急雪夜三更不知賀若今存否
夢裏琴聲大蟒行

題趙承旨畫羊
三百羣中見兩頭依然秃筆掃驂轔竭來清遠吳興地
忽憶蒼蒼勒勒秋南渡銅駝猶戀洛西歸玉馬已朝周

牧羝落盡蘇卿節五字河梁萬古愁

正月上旬過朱竹垞太史齋中諸花盛開賦二絕

句

馬騰曾說野人家每先轟東皇管物華今歲長安霜雪
少試燈風裏見唐花

十笏如聞功德香曼殊陀利兩芬芳偶來小坐談空處
政要天花作道場

立齋相公齋中蕉花開索賦六絕句

漢主初開扶荔宮甘蕉花入上林紅今朝獨樂園中見
始信嵇含狀最工

中書退食日蕭蕭簾捲西山爽氣饒茶臼筆牀相對好

一林花放膽瓶蕉 膽瓶蕉狀如膽瓶

玉宇微涼八月中林塘香散水犀風綠天深處一花坼

蝙蝠飛來相映紅 南中紅蕉花開有紅蝙蝠集花中見酉陽雜俎

朱萼新抽萬卷書仙人掌露勝醍醐丹青好借黃筌筆

更寫紅蕉水鶴圖

紅霞一抹映瓊杯照影銀塘細細開不似平泉閑草木

猶煩驛騎日南來

木綿千樹粵江邊不及蕉花分外妍常記五羊城畔見

一枝紅壓蠻人船

董起男送風雨梅戲占為謝 故御史王虬子

吳中五月梅黃雨想像千林船轉風珍重遺來香軟蕊

不須將醋沁曹公

荅陳元孝寄懷

不見閉門陳正字嶺雲江樹五年餘秋風欲下華陽館

粵客纔通尺素書蒲澗紅泉應不改羅浮翠羽夢全疎

天南耆舊今頭白珍重新詩獨起予

題周文矩五王避暑圖為李奉倩中丞

聞道開元日宸遊花萼同恩深五王宅 一作帳勅借九成宮

竹映翠微合泉飛碧澗通披圖見隆準夏矣讓皇風

喜義門閣學卜鄰之作

少小論文三十載中間離合似浮雲谷風莫問窮兼達

舊雨猶存我共君東閣從容多密劄南臺潦倒怨彈文

望衡乍喜相鄰並可許談詩坐夜分

再題研山絕句示竹垞

南唐寶石劫灰餘長與幽人伴著書青峭數峯無恙在

不須淚滴玉蟾蜍

元章詩研山不可見哦詩後歎息惟有玉蟾蜍向予頻淚滴青峭數峯南唐元宗語

題朱竹垞檢討雪景小照四首

天女長空散六花疎枝冷蕊鬪橫斜小身幻出維摩影
費我連朝玉畫叉

雪後溪山畫不如梅花林外跨青驢相逢莫笑酸寒甚
曾校華林七錄書

雪屋寒林斷晚烟板橋流水尚濺濺不逢才子安鴻漸
定是襄陽孟浩然

風急天山雪打圍下韉鷹疾掠空飛誰知驢背江南客
手拗寒香插帽歸

題小長蘆圖三首為竹垞作

史筆高三館歸心戀五湖分明艤菜好寫出小長蘆
膝上佳兒文度眼中秋色江邨歸路不須扶杖笑凭桐

孫稻孫

竹垞二孫名

一簑一笠日相隨不似官人似釣師七字愛吟楊處士
亂堆漁舍晚晴時

送張寶菴宰新野

牽絲雖百里湯沐古南陽白水清官舍青山落印牀人
祠銅馬帝城倚卧龍岡遙憶絃歌處風流楚塞長

送劉君宰建德先考功兄門下士

送者自崖返君真建德遊桐廬最蕭灑水木况清秋橘
柚紛千樹漁商聚一州新安江見底應憶古羊裘

送陸次公赴撫州兼寄宋牧仲中丞

青門一尊酒言祖謝臨川人憶貝丘別雁隨彭蠡船高
齋逢霽雪春思入江烟為向中丞問吟髭白幾年
得同年胡少宰汝南書

曾讀先賢傳常懷第一流牛醫黃叔度馬磨許文休風
節猶東漢江山古蔡州為農堪沒齒此外復何求

聞滕王閣落成寄宋二牧仲開府

中丞持節鎮洪州滕閣重開勝庾樓清簾踈簾過暮雨

隱囊紗帽對江鷗曾來弭棹悲殘劫未許題詩在上頭
安得乘風度彭蠡與君吹笛坐滄洲子乙丑過南昌閣燬於火

柳

雨態烟姿定有無柔條依舊暗金鋪風情甘讓鍾山隱
手寫黃羅付慶奴

石谷子與門人合寫谿堂詩思見贈題其上

谿流過雨泱泱鳴天風環珮來淙琤谿邊山色自太古
谿上白雲非世情疎簾清簟晝無暑翠竹碧梧時有聲
此中幽意少人會起坐彈琴山月明

蘭相如墓

智勇存危趙相如第一人特書王擊在間道璧亡秦故

國山河改孤墳草木春魯連終蹈海千古共悲辛

自獲鹿至井陘道中禱咏

少日紛多慨龍門太史書劫殘秦復趙齒冷耳兼餘豈
謂無雙士而師李左車到頭鐘室恨功狗竟何如

故關

絕塞依天險雄關鎖地維石橫千仞壁松偃萬年枝盡
日無飛鳥經春卧老羆

見北史

槐花秋雨裏重憶舊題詩

壬子

秋過此有句云西風忽送蕭蕭雨滿路槐花出故關

郭有道墓

大槐坂上逐車塵爭效先生折角巾至竟清流解亡國
望門投止是何人

謁文忠烈公祠

精神如破貝州時晚節猶能動四夷天遣不同韓富沒
姓名留冠黨人碑

洪洞縣謁韓忠定公祠

弘恭已自收蕭傅夏惲翻能殺呂強枉使空同奮刀筆
子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮朝大
名齊李杜幽憤祭臯陶南北甘陵部千秋恨不消

風陵渡河抵潼關

行盡并汾路前旌欲度關亂帆河曲水隔岸蒲州山地

險煙嵐合時清虎豹閑永懷黃綺侶白首卧商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵竹石
當牕嶽色淨琴書山中宰相人誰識江左夷吾我不如
為報倦遊歸及早淮南無此好家居

華山襍詩七首

玉泉院

目玩玉泉流靜悟先天易多事墜驢時強與人間事

山蓀亭

結茅孤石稜玉泉下奔注亭空泉尚流上有無憂樹

希夷峽

洞門峽半開鐵鎖垂千丈俗駕自然迴何地容神放

娑羅坪

小憇娑羅坪手撫娑羅樹仰見上方雲時向人間去

毛女洞

毛女負琴去條然松杪飛青冥風露冷髣髴見天衣

白鹿龕

雲中跨白鹿心知魯女生乞我一丸藥相將遊玉清

青柯坪

窈窕青柯館正在西峰罅二十八潭懸飛瀑從天下

謁郭忠武王祠

便橋蕃部擁風雷單騎纔臨鐵騎摧回紇萬人齊下拜

傳呼天上令公來

謁寇忠愍公祠

柘枝舞罷蠟成堆千束吳綾夜宴開不是魏三詩句好
誰知無地起樓臺

新豐

漢代粉榆社遺墟極望平空提三尺劍忍啜一杯羹細
雨新豐樹寒蕪小苑城惟餘舞陽廟漠漠土花生

石甕寺

在驪山東繡嶺

當年石甕寺曾對集靈臺青雀無迴信黃虬是禍胎

杜詩化作

長黃虬謂祿山也朝雲何日散山月至今來坐久流仙梵松聲薄暮

哀

灞橋

自古銷魂地茫茫喚奈何行人灞陵渡踈雨櫟陽過楊
柳籠烟薄桃花夾岍多邯鄲東北望沅恨滿雲和

即漢文帝

令慎夫人鼓瑟處

灞橋柳

灞橋楊柳碧毵毵曾送征人去漢南今日攀條憔悴絕
樹猶如此我何堪

城南遊詩八首

曲江

賜沐逢修禊宜春歲歲遊傳呼夾城仗早御望仙樓捧
劍金人曲凌波綵鷁舟新蒲將細柳蕭瑟至今愁

薦福寺

院從唐代建人以寂音傳洪覺範
曾居此水鳥皆聞法雲山不離

禪花邊傳浴鼓竹外起茶烟即此忘言說虛空借坐眠

韋曲

皇子陂邊路風光韋曲多曾鄰天尺五最近第三坡芳
草新年色桑條舊日歌傷春更懷古容易醉顏酡

杜曲

春衣杜陵宿窈窕一川花舊是岐公宅人傳故相家名
園三品石貴主五雲車今日穠華歇棠梨噪暮鴉

牛頭寺

牛頭鐘梵罷露坐俯樊川明月生秦嶺清光滿稻田微

風喧吠蛤野燒起山烟歸卧禪燈寂心空古佛前

少陵原工部祠

少陵原下路髣髴浣花村猶似開元日終南對國門秦
川空望眼湘水與招魂忍見桃花落紅英糝綠罇

樊川桃花

三月樊川路紅桃散綺霞終南青送黛滴水碧穿沙草
色裙腰合渠流燕尾又銷魂過杜曲一樹最天斜杜曲南馮固

原下緋桃一株方盛開

秦愍王墓

陳王鬪雞道今日望陵園石馬前朝賜銅人漢代原幽
蘭悲帝子芳草怨王孫猶有藍田燕年年入墓門

杜曲西南弔牧之冢

兩枝仙桂氣凌雲落魄江湖杜司勳今日終南山色裏
小桃花下一孤墳

茂陵懷古

頻年祠太乙晚歲罷輪臺
緱氏仙何往瑤池信不迴
紅顏鈎弋盡白首子卿哀
失勢秋風客昆明又劫灰

李夫人冢

在茂陵西北數步

長門買賦草萋萋冤魄雲陽杜宇啼
惟有佳人解傾國
芙蓉長傍茂陵西

秦穆公墓

雨霽陳倉曉日紅杖藜來訪橐泉宮
千年斷碣荒烟裏

一片殘春秀麥中黃鳥哀時良士盡
碧雞飛去霸圖空
子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好
名因學士傳有坡公祠
游儵爭唼雨垂柳欲生烟
重過荷香裏還勞運酒船元次

山詩不能廢人運酒舫

再集東湖拜東坡先生祠

復有東湖約來當春暮時涼風散高柳
微雨灑清池自識龜魚樂何殊
濠濮思仙翁去千載髣髴下雲旗

汧陽縣

晚上汧陽閣遠山橫翠嶺常莊汧陽詩遠山如畫翠嶺橫川長連隴首城古

枕諭糜太尉千秋笏段公秀實沂人帝郎七字詩不勝懷古意
菴
笛暮休吹

登吳嶽

名嶽標西極金天作鎮雄東看連太白北望盡回中日
出橫秦時煙消指漢宮導岍思禹蹟此地鑿鴻濛

祀雞臺

東周久已換西秦陳寶何須辨偽真猶有漢家使持節
益州遠祀碧雞神

鳳女臺

弄玉空祠鎖寂寥碧雲天際水迢迢丹青不畫乘鸞女
夜夜月明聞洞簫

賣酒樓東坡有詩

昨向宜春下苑遊曲江烟景似悲秋珠簾甲帳皆黃土
何必陳倉賣酒樓

紫柏山下謁留侯祠

相傳是辟穀處并祀黃石公赤松子

萬木蕭蕭風晝吹深山忽見留侯祠清流白石閱今古
雪柏霜筠無歲時辟穀真從赤松隱授書偶作帝王師
也知烏喙逃勾踐未屑鴟夷學子皮

聞紫柏山絕頂有峨眉老衲獨坐丈室數十年蛇

虎皆馴伏今九十有六矣惜不得其名字乃作

頌古十絕句屬鳳令寄之丙子歲四月七日棧

中留壩驛燈下成

維摩詰

師利多言說淨名殊默然語言文字外已示祖師禪

須菩提

善哉須菩提巖間惟晏坐般若是誰聞諸天雨花墮

惠持

樹中入定僧千年人不識如何去陳留一往無消息

道超

我愛道超師絕俗耽憇寂退院閒無人蟋蟀鳴秋壁

寒山

寒山牛跡話此意誰酬酢趙州小廝兒宛有大人作

懶殘

煨火傷羣牛謫來幾千歲懶殘亦俗人誰能為拭涕

地藏琛禪師

栽田博飯喫獨振玄沙道一笑視諸方說禪方浩浩

法昌遇禪師

法昌亦開爐單丁唯一箇賴有十八賢緘口圍爐坐

黃龍晦堂禪師

山谷大辨才妙義皆糠粃滿院木犀香吾無隱乎爾

褒禪山僧見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過疊鼓發中流白獺啣魚上青峰捲幔收江

童竹枝曲漢女木蘭舟歸路重城晚紅燈滿市樓

大安驛雷雨

客行當四月驟雨過三泉出地雄雷奮穿雲急瀑懸飛
龍氏舊國白馬戍西偏潭毒關前壘英風尚颯然

潭毒關

宋劉子羽退敵處

百牢關

全秦雄百二南盡百牢關人雜氏羗俗天連彭濮山漢
臣傳諭蜀唐計失征蠻歷歷前朝事孤雲落照間

嘉陵江上憶家

自入秦關歲月遲棧雲隴樹苦相思嘉陵驛路三千里
處處春山叫畫眉

龍門閣

潛水入嘉陵江處即龍洞背亦名龍閣

四圍碧玉色峻嶒著箇行纏盞飯僧松末風來龍背冷
坐看流水入嘉陵

籌筆驛

朝天峽上

當年神筆走羣靈千載風雲護驛亭今日重過弔陳跡
祇餘愁外舊山青

意中流水遠愁外舊山青石曼卿題句

晚至昭化縣題孔令見野亭

葭萌朝掛席弭棹欲三更月上嘉陵水山圍漢壽城主
人具雞黍邀客啟柴荆修竹吾廬似因之故國情

郎當驛雨中二首

金雞賜帳事披猖河朔從茲不屬唐却使青驪行萬里

三郎當日太郎當

武連縣南雲氣遮郎當驛北石槎枿西風盡日濛濛雨
開徧空山白芟花

渡涪江

涪江江水抱山流不見唐家帝子樓記取江東詩句好
澹烟喬木是緜州

鹿

抱郭涪江碧玉流一川豐草鹿呦呦倦遊忽憶楊岐語
祇有渠儂得自由

羅江驛夜雨

故縣今省入德陽城北有潺湲亭

前旌已拂鹿頭關風雨勾留不肯閑何處行人最愁絕

潺湲亭下水潺湲

落鳳坡弔龐士元

沔上風流萬古存魚梁洲畔向江村何如但作鴻冥好
采藥相攜去鹿門

淨居寺謁宋文憲公祠

在文殊院

一代高文奉至尊那知投老葬蠻村祇應迴向文殊境
共證毘耶不二門

漢州西湖

當年房次律此地鑿西湖百頃烟波渺中流島嶼孤琴
亭何窳窳片石亦榛蕪欲問邢和璞三生事有無

放翁房相西湖詩遠城鑿池一百頃島嶼屈曲三四里房公石尚存州解

漢州紀夢

照壁孤檠不自聊，隔牕寒雨打紅蕉。
驚回一枕鄉園夢，身在西川金雁橋。

千佛巖

江作大圓鏡，山為寶樓閣。
莫遣丹霞聞木石，總燒却。

利州皇澤寺則天后像二首像是一比丘尼

鏡殿春深往事空，嘉陵禍水恨難窮。
曾聞奪塔瑤光寺，持較金輪恐未工。

洛陽伽藍記瑤光寺比丘尼奪塔

瓦官寺裏定香熏，詞客曾勞記錦裙。
今日蘭橈碧潭上，

玉溪空自怨行雲。

李義山利州江潭詩欲就行雲散錦暹自注感孕金輪處

界牌關道中

修竹覆竒壁，飛泉來半空。
人行翠微裏，風度紫蘭叢。
暫喜俗塵遠，休嗟吾道窮。
誰為洪谷子，移向畫圖中。

四過東湖題宛在亭

小鴨唼喋萍葉亂，三枝五枝菡萏開。
魯連陂上花千頃，黃帽刺船歸去來。

重題茂陵

絡繹甘泉豹尾催，君王夜幸栢梁臺。
當時譎諫稱方朔，也嬖長陵宛若來。

謁段忠烈公祠

昭應離宮盡廢丘，司農祠廟儼千秋。
流芳遺臭知何限，火迫當年笑鄼侯。

早發臨潼

輦道虛無裏孤城翠靄間西南迴望處滿眼是驪山

華州西溪

往來宮柳路纔訪鄭南珉水木清華色雲峰澹宕姿江
心伏毒寺花外拾遺祠有子美祠不見松談閣松風日暮吹郭脣

伯宗昌松談閣在溪上今廢

汧園弔郭脣伯二首

脣伯園中置一舫居之名齋舫

白崖湖水碧浮天亂石嵯峨凌紫烟十里芙蓉衆香國
此中曾泊孝廉船

大華小華皆削成東溪西溪夾鏡明仙人鶴背忽飛去

天風下來聞玉笙

鼎湖原二首

軒轅鑄鼎此荆山弓墮龍髯不可攀多事橋陵一坏土
伴他鴻冢在人間

素女為師態萬方如聞天老教軒皇馬肝已諱文成死
又見神君祀柏梁

盤豆驛

依然盤豆對蓼蘆回望關門岳勢孤思子臺邊一懷古
不知身過玉孃湖

湖城二首今闕鄉

泉鳩里畔動悲風回首秦山隔萬重仙意已窮巫蠱起
茂陵遺恨犬臺宮

趙鹵誰教近至尊漢廷不照覆盆冤如何病已為天子
惡謚重蒙到戾園

稠桑驛

感張淑人陳孺人而作

春蘭秋菊不同芳舊恨新愁爾許長應是三生緣未了
又呼妙子到稠桑

老子故宅

北邙東望冢纍纍上有玄元古廟基莫以荒唐笑仙李
漢家先奉濯龍祠

次陝州

首春發京國秋氣忽蕭蕭路入三川險人歸萬里遙黃
河流底柱白日下中條河上傳經叟仙蹤不可招

甘棠

今陝州

弭節甘棠日未晡玉釵金縷散青蕪穀陵此去多風雨
不用尊前唱鷓鴣

許渾有甘棠聞唱鷓鴣詞詩

甘棠驛

北寺南牙劇戰爭可憐甘露怨誰明甘棠驛外東流水
嗚咽年年寒玉聲

事見甘棠靈會錄

魏野草堂

陝郊棲隱處寥落對雲山無復花藏縣曾聞菊遶灣

二句用野

詩偶歌紗帽出時跨白驢還尚憶汾陰祀流風杳莫攀

會盟臺二首

秦聲趙瑟會西河御史前書較孰多臨訣數言關大計

論功終欲首廉頗
不辭頸血濺秦王進在當筵氣慨慷十五名城鼎趙壁
何如談笑請咸陽

洛陽

國本爭來黨錮連楚歌楚舞亦堪憐如何鴻鵠高飛去
又見蒼鵝出地年

渡洛水

脉脉中流望盈盈羅襪塵西園魏公子南浦洛川神蘅
薄芳猶在楊林意未申凌波何處問秋水正魚鱗

洛神

凌波羅襪欲生塵賦裏驚鴻態尚新不信三臺燈火夜

針神真比洛川神

洛川南望

碧嵩清洛洗愁顏伊闕中分兩髻髮煖翠浮嵐看不盡
緱山南是伏牛山

白馬寺

伽藍半化洛陽塵漢代鴻臚跡尚新太息他年窮楚獄
仁祠空解祀金人

王輔嗣冢

鍾會齊名果是非白楊孤冢暮煙微如何一夕談名理
不救河橋誤陸機

緱氏縣今偃師

白茅授印事何如底許孫卿更上書桂觀蜚廉人力竭
祇緣仙子好樓居

望緱山廟

王子乘鸞鶴飄搖伊洛間至今明月夜鳳吹滿空山緱
氏仙踪杳東萊漢使還樓居高幾許天路渺難攀

七夕前二日鞏縣阻雨

大火西流日昇仙故跡存王子晉以七月七日上昇秋風來鞏洛暮雨

阻轅轅欲把浮丘袂難招杜甫魂工部葬首陽山神嵩不可眺三
十六峰昏

宋陵

洛水印山館廢興宋家幽寢闕魚燈奉香不見臨安使

白日茫茫下七陵

七夕雨抵汜水縣

玉門殘壘外云是古成臯濁浪喧牛口雄關偪虎牢青
山空楚漢白骨尚蓬蒿七夕風兼雨悲歌撫孟勞

紀將軍祠滎陽

東門黃屋競傳呼從此咸陽入帝圖若遣封侯身不死
也須鐘室避娥姁

夕陽樓

野塘菡萏正新秋紅藕香中過鄭州僕射陂頭踈雨歇
夕陽山映夕陽樓

僕射陂白蓮

陂名傳僕射秋氣滿蒹葭十里銀塘冷千枝白疊斜他
年履道宅應憶管城花素手誰攀折飄零自水涯

鄭州古管城

圃田列子祠

冷然鄭圃御風遊四十年如不繫舟悵悵餘年還嫁衛
先生老矣又何求

官渡

別駕亡來萬事非夕陽官渡客行稀袁家新婦應惆悵
賸與陳王詠宓妃

中年縣南湖蒲盧亭是張林宗飲酒處予易名塾

巾題一絕句

南郭孤亭野水濱蒹蒲獵獵水鱗鱗林宗未遠風流在
不愧亭名是墊巾

板橋

板橋衰柳日蕭蕭回首宣和似暮朝上巳金明池上飲
畫船銜尾駱駝橋

昭靈夫人墓

驚風古道卷蓬根何處昭靈墓尚存不見梁巫陳桂醕
野人耕盡小黃園

謁信陵君祠

趣救邯鄲却暴秦十年留趙事酸辛大梁歸後匆匆甚
日飲亡何近婦人

曹南渡河望南華山

幽關已弔立元宅鄭圃還過禦寇家問渡漆園風雨裏
却臨秋水誦南華

春城堆

金鄉晉郡公故宅

春城堆上弔諸郗絕恨參軍入幕時惟有青溪三十曲
風流猶自憶僧施

龍女祠

汶水北岸

冰綃霧縠映迴波半額宮黃感黛蛾欲采香蘋慰幽怨
不須深避庾毗羅

送杜肇余大宗伯予告南歸二首

遺榮一疏謝金貂祖帳東門集百僚北斗星文兼將相

公先為
大司馬

南宮地望迴雲霄直清譽重推三禮禁近恩深荷

兩朝最羨鱸鄉亭下泊蓴絲入饌雨瀟瀟

潞亭雲樹望中迷一片歸帆落日低心懸觚稜別金馬
夢回烟水聽潮鷄五湖蝦菜身將隱九列功名物久齊
亦欲投簪東海去便從梅里問幽栖

漁洋山人精華錄卷十終

門人監察御史崑山盛符升國子祭酒江陰曹禾同訂

候官門人林佶恭謄寫

男啟訪恭閱

吾師新城王先生以詩學為海內宗師者四十餘年其詩曰漁洋集漁洋續集南海集蠶尾集蜀道集雍正集通三千餘篇門人盛侍御曹祭酒嘗仿宋蜀人任淵纂豫章集之例擇其尤合作者千餘以為精華錄凡十卷康熙庚辰夏先生以授門人林佶佶承命編錄稍有增減皆任氏所謂叢桂崇蘭竒玉特殊者也先是康熙乙丑佶初學詩黃州慕廬葉先生遊閩出先生所選古詩相授斯時佶已服膺先生之教顧無從得先生所自為詩後三年佶遊吳學於堯峰汪先生每稱詩輒首服先生信愈益欣慕而燕閩相去益遠先生官中朝日益

顯達愈無從得受先生詩又十餘年信以貢入成均時先生官御史大夫始得登先生門獻詩六章先生嘉許之獲廁門下於今三年矣一日先生謂其弟慢亭曰林子朴誠士其事堯峰特有始終未知異日於我何如蓋信嘗於堯峰身後手錄其集而傳之不自意雅為先生所許因遂請願得受先生全詩時先生遷大司寇政事紛還方抱疾不暇休乃出盛曹二君子所撰精華錄以付信更訂次之夫以先生之為詩上沿四始六義之遺而下薄漢魏六朝唐宋元明諸大家之製作萃其美而匯於成為當世言詩者之宗匠固無俟信之贊頌獨

是游先生門者亡慮數十百人而信以末學晚進來至京師與於洒掃應對列以償其廿年私淑之願而今又獲以從事筆札挂名於其端曩信嘗言元黃文獻柳文肅吳淵穎三公集皆其門人宋潛溪為之編序而傳之前跋堯峯文鈔每舉此以致悽悽願學之懷今更舉以似先生良以先生少與堯峰齊名文章品望上與黃柳諸公異世同規而信皆承其教澤其得所依歸而將附之以傳於後抑何幸耶因識茲錄授受之緣起以為後序云爾
康熙庚辰夏五門人候官林信謹書

第 35652 号

平成 3.11.22

聖和学	928
園短大	キ
図書館	4

1	2	3	4
5	6	7	8
9	10	11	12
13	14	15	16

17

